



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

[www.aparaj.am](http://www.aparaj.am)

## Խմբագրական

### Իրավական երկիր լինելու ապացույց

Ե՛վ հայկական, ե՛ւ ադրբեջանական, ե՛ւ միջազգային լրատվամիջոցների ուշադրության կենտրոնում է ԼՂՀ պետական սահմանն ապօրինի հատած ադրբեջանցի դիվերսանտների դատավարությունը, որն ընթանում է Արցախի մայրաքաղաք Ստեփանակերտում:

Դատական պատասխանատվությունը Ադրբեջանի քաղաքացիներ Շահբազ Գուլիեյի ու Դիլիամ Ասկերովի նկատմամբ, ովքեր մեղադրվում են Զարվաճառի 17-ամյա բնակիչ Սմբատ Յակաևյանի, ՊԲ զինված ուժերի սպա Սարգիս Աբրահամյանի սպանությունների, Զարվաճառի մեկ այլ բնակիչ՝ Կարինե Դավթյանին ծանր վիրավորելու, պետական սահմանն ապօրինի հատելու, ինչպես նաև մի շարք այլ հողվածներով՝ կարելով մեկ այն հանգամանքով, որ Արցախի անկախության տարիներից ի վեր սա առաջին դեպքն է, որ ԼՂՀ պետական սահմանի հատման համար Ադրբեջանի քաղաքացիները կանգնում են դատարանի առջև:

Դատավարությունն ընթանում է՝ համաձայն ԼՂՀ Օրենսդրության, միջազգային նորմերին համապատասխան՝ պահպանելով մարդու իրավունքների միջազգային հռչակագրերում ամրագրված բոլոր դրույթները, ինչն ապացուցում է Արցախի Հանրապետության իրավական պետություն լինելու հանգամանքը: Սա, անտարակույս, կարելու է ԼՂՀ-ի՝ միջազգային ասպարեզում քաղաքական վականդիզի բարձրացման, օրենսդրության եւ իրավական ակտերի միջազգային նորմերին համապատասխանության ապացուցման տեսանկյունից:

Մեղադրյալներին, ԼՂՀ օրենսդրության համաձայն, տրամադրվել են դատապաշտպաններ, թարգմանիչ: Պետք է կարելու, որ Արցախում թե՛ նախաքննության, թե՛ դատաքննության ընթացքում չի խախտվում ադրբեջանցիների մարդկային իրավունքները, ինչը, հիրավի, երաշխավորված չէ անգամ իրենց հայրենիքում՝ մարդու իրավունքների խախտման համար միջազգային կազմակերպությունների կողմից բազմիցս քննադատության արժանացած Ադրբեջանում, եւ դա, անշուշտ, զարմանալի է մեր հարեւան տիրապետչական երկրի քաղաքացիների համար: Մեղադրյալներն իրենք են նշում, որ իրենց հանդեպ կիրառվում է պատշաճ վերաբերմունք:

Ադրբեջանը բազմիցս ցույց է տվել, որ միայն ընդունակ է անմարդկային վերաբերմունք կիրառել ոչ դիտավորյալ հայ-ադրբեջանական սահմանը հատած հայերի նկատմամբ:

Այս օրերին, սակայն, պաշտոնական Բաքուն իրեն հատուկ գեղծարարության գործելաճով է զբաղվում, դիմում է միջազգային մի շարք կազմակերպությունների՝ պահանջելով անօրինական համարել իր քաղաքացիների հանդեպ կիրառվող մեղադրանքները՝ սրանով միայն ու նորից փաստելով իր՝ միջազգային նորմերին խորթ երկիր լինելու հանգամանքը:

Նշենք, որ Ադրբեջանի քաղաքացի Հասան Հասանովը եղել է Ադրբեջանի Ազգային անվտանգության աշխատակից, ինչը բավական է փաստելու, որ դիվերսանտները գործուղվել են ադրբեջանական իշխանությունների կողմից: Պատահական չէ, որ Ադրբեջանը միշտ էլ դեմ է եղել սահմանային միջադեպերի հարցով անկախ հետաքննություն անցկացնելուն:

Իրենք՝ մեղադրյալները, նշում են, որ սա իրենց առաջին սահմանային խախտումն է, որ սկսած 2005 թվականից՝ բազմիցս եղել են Արցախում: Այստեղ հատկանշական է, որ մեղադրյալները չեն ընդունում, որ իրենք պետական սահման են խախտել, այլ շեշտում են, այսպես սասած «իրենց հայրենիքում» լինելու հանգամանքը: Այլ պատասխան ակնկալել չէր էլ կարելի կեղծիքի, ապօրինությունների եւ ստի վրա հիմնված երկրում ապրող քաղաքացիներից:

Այս ամենից ելնելով՝ մենք հնարավորություն ունենք պետականորեն մեղադրել Ադրբեջանին՝ դիվերսիոն գործողության կազմակերպման ու անմեղ քաղաքացիների կյանքը վտանգելու համար:

Ընթացող դատավարության արդյունքում՝ մեղադրյալները պատասխանատվության կենթարկվեն, ու սա գուցե դաս չիլին հարեւան Ադրբեջանի համար, բայց այս գործընթացով մենք ապացուցում ենք, որ մեզ համար առաջնայինը մեկն է՝ Արցախը իրավական երկիր է, եւ օրենքն է մեր գործողությունների հիմնաքարը:



### Միջազգային անդրադարձը եւ իրական փաստերը

Նոյեմբերի 12-ին արցախա-ադրբեջանական սահմանի արեւելյան հատվածի օդային տարածքում, ուսումնավարժական թռիչքի ժամանակ, խախտելով հրադադարի ռեժիմը, ադրբեջանական ՉՈՒ-ի կողմից խոցվել է ԼՂՀ ՌՕՈՒ ՄԻ-24 ուղղաթիռը:

Հակառակորդը, սակայն, տարբեր տրամաբանությամբ հրաձգել է զենքերից ինտենսիվ կրակ է վարում դեպի վայրի ուղղությամբ՝ չթողնելով մոտենալ կործանված ուղղաթիռին:

Կարելու է նկատել Արեւմտյան քաղաքական շրջանակների եւ լրատվամիջոցների անդրադարձն այս դեպքին: Հայտարարություններում զսպվածության կոչեր են հնչում ու մտահոգություններ՝ սառեցված հակամարտության վերսկսման վերաբերյալ:

Մասնավորապես, ԵԱՀԿ գլխավոր քարտուղարը մտահոգություն է հայտնել, որ ուղղաթիռի կործանումը սառեցված հակամարտության սրման լուրջ վտանգ է ներկայացնում, իսկ Եվրամիության տարածած հայտարարության մեջ ասվում է. «Կարելու է, որ կողմերը զսպվածություն ցուցաբերեն, գերծման այնպիսի գործողություններից ու հայտարարություններից, որոնք կարող են սրել իրավիճակը: Ավելին, կոչ ենք անում հետաքննություն անցկացնել միջադեպի շուրջ»:

Դեպքին անդրադարձել են նեւ ԱՄՆ-ն եւ ԱՄՆ պետքարտուղարությունը: Վերջերս Փարիզում Ֆրանսիայի նախագահի նախաձեռնությամբ կայացած Սարգսյան-Ալիևի հանդիպման ֆոնին այս լարվածությունն անտրամաբանական է թվում, հատկապես հաշվի առնելով, որ դրանից հետո կողմերը դրական են գնահատել հանդիպումը, եւ նշ-

վում էր անգամ բանակցային գործընթացում որոշակի առաջընթացի մասին: Փարիզյան հանդիպումը, իսկ մինչ այդ Զերի-Սարգսյան-Ալիևի հանդիպումը, կարելի է ասել, զլրբալ առումով՝ Արեւմուտքի փորձն էր՝ ուղղված Արցախյան խնդրի կարգավորման հարցում իր դիրքերի ամրապնդմանը:

Դեպքերի նման զարգացման վերաբերյալ Արեւմուտքի մտահոգությունը կարելի է բացատրել սեփական շահերը վտանգելու հնարավորության հանգամանքով, այսինքն՝ արցախյան խնդրում իր դիրքերի խարխիւմամբ կամ թուլացմամբ:

Այս առումով հետաքրքրական է ԵԱՀԿ Մինսկի խմբի ամերիկացի համանախագահ Ջեյսոմ Ուորլիքի՝ Twitter-ի էջում կատարած գրառումը. «Դարաբաղում լայնածավալ կոնֆլիկտը չի բխում ոչ ոքի շահերից: Երկու կողմերն էլ պետք է խուսափեն իրավիճակի սրումից եւ իրամարտության սրման լուրջ վտանգ է ներկայացնում, իսկ Եվրամիության տարածած հայտարարության մեջ ասվում է. «Կարելու է, որ կողմերը զսպվածություն ցուցաբերեն, գերծման այնպիսի գործողություններից ու հայտարարություններից, որոնք կարող են սրել իրավիճակը: Ավելին, կոչ ենք անում հետաքննություն անցկացնել միջադեպի շուրջ»:

Միջազգային հանրությունը, հատկապես ԵԱՀԿ Մինսկի խմբի համանախագահ երկրները, պետք է մի բան լավ հասկանան՝ չպետք է կողմերի միջեւ հավասարության նշան դնել, ու ցանկացած միջադեպ պետք է լրջորեն քննության առնվի, որպեսզի խուսափենք իրավիճակի նման սրումից:

Ուղղաթիռի կործանումը սրեց տեղեկատվական դաշտի պատերազմը: Ադրբեջանը, իրեն հատուկ կեղծարարության քաղաքականությամբ, սկսեց կեղծ լուրեր տարածել: Համարյա թե բոլոր առաջատար միջազգային լրատվամիջոցները, այդ թվում՝ BBC-ն, Euronews-ը, France 24-ը, Russia-ն իրենց կարելու նորությունների շարքում անդրադարձել են ուղղաթիռի կործանմանը՝ հիմնականում նշելով ադրբեջանական սուտ լրատվությունն այն մասին, իբր հայկական ուղղաթիռները խախտել են սահմանը եւ կրակ են բացել ադրբեջանական դիրքերի ուղղությամբ: Այդ ամենը մտահոգություն է առաջացնում, քանի որ ապացուցում է, որ տեղեկատվական դաշտում մենք մեծ անելիքներ ունենք:

Ադրբեջանական լրատվամիջոցների հրապարակած տեսանյութը հստակ ապացուցում է իրենց իսկ լրատվության սուտ լինելը, քանի որ տեսանյութում հստակ երեւում է, որ հայկական երկու ուղղաթիռները թռիչքն իրականացնում են ադրբեջանական դիրքերից բավականին հեռու, այն էլ՝ դիրքերին ոչ թե ուղղահայաց, այլ՝ հորիզոնական՝ որեւէ կրակ չբացելով դեպի հակառակորդի դիրքերը: Նրանք նույնիսկ չեն պատասխանել ադրբեջանական կողմից արձակված կրակին: Սա ոչ միայն ապացուցում է ադրբեջանական ապատեղեկատվությունը, այլեւ այն, որ ուղղաթիռը զինված չի եղել եւ թռիչքը կրում էր զուտ ուսումնավարժական բնույթ: Դա է հավաստում նաեւ այն, որ ադրբեջանական կողմը կրակ է բացել կործանված ուղղաթիռի ուղղությամբ եւ չի թողնում, որպեսզի հայկական ուժերը մոտենան ուղղաթիռին, քանի որ այդ դեպքում կտարվի համապատասխան հետաքննություն, ինչը կապացուցի ադրբեջանական կողմի կեղծիքը:

Ադրբեջանական լրատվամիջոցների հրապարակած տեսանյութը հստակ ապացուցում է իրենց իսկ լրատվության սուտ լինելը, քանի որ տեսանյութում հստակ երեւում է, որ հայկական երկու ուղղաթիռները թռիչքն իրականացնում են ադրբեջանական դիրքերից բավականին հեռու, այն էլ՝ դիրքերին ոչ թե ուղղահայաց, այլ՝ հորիզոնական՝ որեւէ կրակ չբացելով դեպի հակառակորդի դիրքերը: Նրանք նույնիսկ չեն պատասխանել ադրբեջանական կողմից արձակված կրակին: Սա ոչ միայն ապացուցում է ադրբեջանական ապատեղեկատվությունը, այլեւ այն, որ ուղղաթիռը զինված չի եղել եւ թռիչքը կրում էր զուտ ուսումնավարժական բնույթ: Դա է հավաստում նաեւ այն, որ ադրբեջանական կողմը կրակ է բացել կործանված ուղղաթիռի ուղղությամբ եւ չի թողնում, որպեսզի հայկական ուժերը մոտենան ուղղաթիռին, քանի որ այդ դեպքում կտարվի համապատասխան հետաքննություն, ինչը կապացուցի ադրբեջանական կողմի կեղծիքը:

### Դ. Իշխանյան. «Ակնկալում եմ, որ համարժեք պատասխանը չի ուշանա»



Արցախի ՀՀ ԿԿ ներկայացուցիչ Դավիթ Իշխանյանի կարծիքով՝ ադրբեջանական զինված ուժերի կողմից ԼՂՀ ՌՕՈՒ «ՄԻ-24» ուղղաթիռի խոցման համար պատասխանատու են թե՛ Ադրբեջանի իշխանությունը, թե՛ ԵԱՀԿ Մինսկի խումբը:

«Այս ապակայունությունն Ադրբեջանը ստեղծում է իր քաղաքական շահերի համար, սակայն որքան Ադրբեջանի իշխանություններն են պատասխանատու տվյալ իրավիճակի համար, այնքան էլ պատասխանատու են միջազգային կառույցները, մասնավորապես ԵԱՀԿ Մինսկի խումբը, որը երբեք համարժեք գնահատական չի տալիս Ադրբեջանի սանձարձակություններին եւ համապատասխան քայլեր չի ձեռնարկում նման իրավիճակներից խուսափելու համար», - նշեց Դավիթ Իշխանյանը:

Նա շեշտեց, որ հայկական կողմը սահմանի խախտում չի

արել, որի համար արդեն բազում փաստեր կան: Ադրբեջանական կողմը հիմք չի ունեցել հայկական օդուժին պատկանող ուղղաթիռը խոցելու:

«Ադրբեջանը միշտ փորձում է ապակայունացնող միջոցներով իրավիճակը լարել, որին ակախատես ենք եղել այս տարվա օգոստոսին, սակայն հայկական կողմը համարժեք պատասխան է տվել: Այս դեպքում էլ, կարծում եմ, համարժեք պատասխանը չի ուշանա, եւ, ինչպես արդեն ՀՀ ՊՆ մամուլի խոսակ Արծրուն Հովհաննիսյանն է ասել, հետեւանքները ադրբեջանական կողմի համար շատ ցավոտ կլինեն», - ասաց ՀՀ ԿԿ ներկայացուցիչ Դավիթ Իշխանյանը:

Արմինե ՆԱՐԻՆՅԱՆ

### Ժողովուրդն է իր ձայնի ու երկրի տերը

Շուրջ մեկ տարի է, ինչ՝ հիմնականում հայաստանյան լրատվական դաշտում ժամանակ առ ժամանակ խոսվում է ԼՂՀ ապագա նախագահական ընտրությունների եւ ապագա հավանական նախագահի մասին հարցերից՝ չնայած ԼՂՀ նախագահական հերթական ընտրությունները կայանալու են երեք տարի հետո: Հետաքրքրական է այն, որ առջեւում դեռ 2015 թվականի ԼՂՀ խորհրդարանական ընտրություններն են, ինչը, սակայն, փորձում են ստվերի տակ գցել՝ 2017-ին ԼՂՀ-ում կայանալիք նախագահական ընտրություններին առավել կարեւորություն տալով:

Հարց է առաջանում՝ ո՞ւմ է ձեռնադրել այս վիճակը, ովքե՞ր են շահագրգռված 2017թ. ԼՂՀ նախագահական ընտրությունների այստեսակ քննարկումներով:

ԼՂՀ առաջիկա նախագահական ընտրությունների վերաբերյալ հայաստանյան ՉԼՄ-ները հատկապես քննարկում են ԼՂՀ երկրորդ նախագահ Արկադի Ղուկասյանի անունը, եւ թվում է՝ հստակ պարբերականությամբ փորձում են թարմ պահել այս լրատվությունը:

Այս եւ այլ հարցերի շուրջ մեր թղթակիցը գրուցել է երիտասարդ սերնդի ներկայացուցիչ, գործարար Սեւակ Խաչատրյանի հետ:

- Պարոն Խաչատրյան, շուրջ երեք տարի հետո են կայանալու ԼՂՀ նախագահական ընտրությունները, բայց այսօր քննարկման թեմա է այն, խոսվում է հավանական թեկնածուների մասին: Հայաստանյան ՉԼՄ-ները

հիմնականում շոշափում են նախկին նախագահ Արկադի Ղուկասյանի անունը: Ի՞նչ կասեք այս մասին. կարծում եք՝ նա իրո՞ք ցանկալի թեկնածու է, թե՞ ինչ-որ շրջանակի շահարկման առարկա:

- Նախ ասեմ, որ անհամբեր չեմ սպասում 2017 թվականին կայանալիք նախագահական ընտրություններին: Այսօր մենք

դարձն Արցախ՝ ողջունելի է. լավ կլինի՝ ընդհանրապես չթողնել Արցախը: Պետական պաշտոններ զբաղեցրած անձինք իրենց հեղինակությունն ու ձեռք բերած վաստակը պահելու համար անհրաժեշտ է, որ պաշտոնավարության ավարտից հետո եւս բնավ չեն Արցախում: Արցախի նոր նախագահին ընտրելու է Արցախի նոր սերունդը:

Գիտեք, Արցախում նոր սերունդ է ձեւավորվել, որոնց համար անցյալի ձեւավորված փոխընթացներն ու այդ հիման վրա ստեղծված կառավարման համակարգերն այլեւս ընդունելի չեն: Նոր ձեւավորված սերունդն իր վճռական խոսքը պետք է ունենա երկրի ապագան կառուցելու գործում:

Մի քանի օր առաջ այս հարցին անդրադարձել է ԼՂՀ նախագահի մամուլ խոսնակ Դավիթ Բաբայանը: Անկեղծորեն ասեմ՝ կցանկանայի, որ մեր երկրում շատերը նրա պես մտածեին: Ինձ համար ոգեւորիչ էր պարոն Բաբայանի պատասխանը: Նա նշել էր, որ ԼՂՀ-ն Հայաստանի մարզ չէ, որ ինչ-որ մեկը նշանակի կամ էլ «դաբրո» տա. Ժողովուրդն է որոշում՝ ում կտա իր ձայնը:

- Իսկ դուք, որպես Արցախի երիտասարդ քաղաքացի, ո՞ւմ հետ եք կապում ձեր եւ երկրի ապագան:

- Միայն՝ Դաշնակցության: Ես, շուրջ 10 տարի է, այս կուսակցության հետ եմ, եւ նրա ծրագրերի ու գաղափարախոսության հետ եմ կապում մեր երկրի սպասված ապագան:

«ՎՊՈՍԺ»

### 10-րդ միջխորհրդարանական նիստն առանձնացել է իր արդյունավետությամբ

Նոյեմբերի 7-ին Երեւանում կայացել է ՀՀ ԱԺ - ԼՂՀ ԱԺ համագործակցության միջխորհրդարանական հանձնաժողովի 10-րդ նիստը: Հրեւյանական նիստին մասնակցել են ՀՀ ԱԺ եւ ԼՂՀ ԱԺ պատգամավորներ:

ՀՀ ԱԺ նախագահ Գալուստ Սահակյանը, կարեւորելով ՀՀ - ԼՂՀ միջխորհրդարանական հանձնաժողովի գործունեությունը, նշել է, որ այն նոր որակ է հարողդել Հայաստան-Արցախ միջպետական հարաբերություններին: Ըստ ՀՀ ԱԺ նախագահի՝ միասնական կամքը եւ ընդունված ու ընդունվելիք որոշումների հետեւողական իրականացումը Հայաստան-Արցախ փոխգործակցության հետագա զարգացման ամուր հիմք են: Գալուստ Սահակյանի խոսքով՝ դարաբաղյան հակամարտության խաղաղ կարգավորման հիմնախնդիրը մշտապես ՀՀ խորհրդարանի ուշադրության կենտրոնում է, եւ այդ ուղղությամբ ձեռք բերված յուրաքանչյուր պայմանավորվածություն պետք է արժանանա ԼՂՀ բնակիչների հավանությունը:



Ձեւավորված ավանդույթի համաձայն՝ միջխորհրդարանական համագործակցության հանձնաժողովին ընդունել է ՀՀ նախագահ Սերժ Սարգսյանը:

Ողջունելով հյուրերին՝ Հանրապետության նախագահը գոհունակությամբ է ընդգծել, որ վերջին տարիներին շատ սերտ համագործակցություն է ձեւավորվել Հայաստանի եւ Լեռնային Ղարաբաղի պետական մարմինների միջեւ, ու այդ առումով հատկապես ընդգծել է միջխորհրդարանական հարաբերությունները: Սերժ Սարգսյանը նշել է, որ խորհրդարանականների հետ նախորդ հանդիպումից հետո բավականաչափ ժամանակ է անցել, եւ այդ ընթացքում բազմաթիվ իրադարձություններ են տեղի ունեցել ինչպես Հայաստանում, այնպես էլ Արցախում եւ նրա շուրջ, ու պատրաստակամություն է հայտնել քննարկելու բոլոր այն հարցերը, որոնք հետաքրքրում են կամ կարող են հետաքրքրել Լեռնային Ղարաբաղի հասարակությանն ու իշխանություններին:

ԼՂՀ ԱԺ «Դաշնակցություն» խմբակցության ղեկավար, ԱԺ գիտության, կրթության, մշակույթի, երիտասարդության եւ սպորտի մշտական հարցերի հանձնաժողովի նախագահ Արմեն Սարգսյանի հավաստմամբ՝ միջխորհրդարանական 10-րդ նիստը նախորդ նիստերից առանձնացել է նրանով, որ երկու խորհրդարանների միջեւ ընտրվել է համագործակցության ավելի արդյունավետ համակարգ եւ առաջնահերթություն է տրվել հանձնաժողովների միասնական աշխատանքներին:

«Միջխորհրդարանական նիստի կարեւորագույն հարցը կապված է եղել Արցախի արտաքին քաղաքականության հետ», - «Ապառաժ»-ի հետ զրույցում նշեց Ա. Սարգսյանը: - Համատեղ նիստի ժամանակ փորձում էինք գտնել այն ուղիները, թե ինչպես Հայաստանյան պատվիրակությունների մակարդակով միջազգային ատյաններում շոշափվի ԼՂՀ ճանաչման հարցը: Վերջին շրջանում շատ է աշխուժացել խորհրդարանական դիվանագիտությունը: Աշխարհի տարբեր երկրներից բազմաթիվ պատգամավորներ գալիս են ԼՂՀ Ազգային ժողով, ինչպես նաեւ ԼՂՀ խորհրդարանից մի շարք պատվիրակություններ մեկնում են տարբեր երկրներ, եւ կարծես նոր որակ է ստանում Ղարաբաղի ճանաչման գործընթացը: Ժամանակն է, որ Հայաստանի եւ Ղարաբաղի խորհրդարանների միջեւ համագործակցությունն առավել ճկուն լինի: Այս առումով ես հետաքրքրիք քննարկումներ են եղել: Ես գոհ եմ այս հանդիպումից, քանզի քննարկվեցին ավելի պրակտիկ հարցեր»:

ԱՍԻ ԱՉՍՅԱՆ



### Արցախը մասնակցում է «World Travel Market» զբոսաշրջային ցուցահանդեսին

Նոյեմբերի 3-6-ը Հայաստանի ազգային մրցունակության հիմնադրամը հայկական հինգ զբոսաշրջային ընկերությունների հետ համատեղ մասնակցել է Լոնդոնում անցկացվող World Travel Market 2014 զբոսաշրջային միջազգային ցուցահանդեսին:

Միևնույն տաղավարի ներքո ներկայացվել է Նաե Լեռնային Ղարաբաղի Հանրապետությունը:

Ցուցահանդեսին մասնակցել է 186 երկրի շուրջ 5000 զբոսաշրջային ընկերություն և զբոսաշրջային ոլորտի ավելի քան 50 000 մասնագետ:

Ցուցահանդեսի ընթացքում միջազգային հանրությանը ներկայացվել է Հայաստանի և Արցախի պատմամշակութային և քրիստոնեական ժառանգությունը ցուցադրող գովազդային նյութեր և քարտեզներ անվերջում:

ԼՂՀ պատվիրակությունը միջազգային ցուցահանդեսի շրջանակում կազմակերպել է ևս երեք գիտնական և ավանդական հյուրասիրություն:

ԼՂՀ կառավարության առընթեր զբոսաշրջության և պատմական միջավայրի պահպանության վարչության պետ Սերգեյ Շահվերդյանի հավաստմամբ՝ Ադրբեջանի կողմից ձեռնարկված տիրույթ ավանդության համաձայն՝ Ադրբեջանը երկու անգամ փորձել է խախտել ցուցահանդեսում ԼՂՀ պատվիրակության մասնակցությունը՝ նոյեմբերի 4-ին կազմակերպելով ցույց Արցախյան տաղավարի

դիմաց, որը, ինչպես միշտ, տապալվել է: Ադրբեջանցիների հեթանկան սադրանքը եղել է ցուցահանդեսի վերջին օրը, երբ հեթանկան հակադարձության սադրանքն է կազմակերպվել Արցախի տաղավարի մոտ: «Հատ-



կանչական է, որ «ցուցարարների» մեջ եղել են Նաե Մեծ Բրիտանիայում Ադրբեջանի դեսպանատան աշխատակիցներ»,- նոյեմբերի 12-ին հրավիրած մամուլի ասուլիսի ժամանակ նշեց Ս. Շահվերդյանը և հավելեց, որ ԼՂՀ և ՀՀ պատվիրակությունների ջանքերի շնորհիվ հնարավոր է դարձել կատարել սադ-

րանքը: Կարճ ժամանակ հետո անվտանգության աշխատակիցները դուրս են բերել ադրբեջանցի կարգազանց երիտասարդներին:

ԼՂՀ կառավարության առընթեր զբոսաշրջության և պատմական միջավայրի պահպանության վարչության պետ Սերգեյ Շահվերդյանը, ով ղեկավարում էր Արցախի պատվիրակությունը Լոնդոնի ցուցահանդեսում, ասուլիսի ժամանակ մեկնաբանելով Ադրբեջանի այդօրինակ ակտիվությունը, նշել է. «Վերջին շրջանում միջազգային զբոսաշրջային ցուցահանդեսներում ադրբեջանցիների նման սանձազերծ պահվածքը պայմանավորված է գլխավորապես ՄԱԿ-ի Չրոսաշրջության համաշխարհային կազմակերպությունում Ադրբեջանի կողմից նախաձեռնված բանաձեռի ծախսումով: Իսկ վերաբերում է ս.թ. հոկտեմբերին Սամարղանդում կայացած՝ Նշյալ կառույցի գործադիր խորհրդի նիստում Ադրբեջանի կողմից նախաձեռնված «Օկուպացված տարածքներում զբոսաշրջության քարոզչությունը կանխելու մասին» բանաձեռին: Նիստի ընթաց-

քում Ադրբեջանի կողմից առաջարկված վերոհիշյալ բանաձեռը չի ընդունվել ոչ մի երկրի կողմից: Իսկ ադրբեջանական ցույցերը նպատակ են հետապնդում ֆիզիկապես անհնար դարձնել ԼՂՀ մասնակցությունը միջազգային խոշոր ցուցահանդեսներին, սակայն՝ ապարդյուն»:

«World Travel Market» միջազգային զբոսաշրջային ցուցահանդեսը համարվում է խոշորագույն տուրիստական իրադարձություն, որի ժամանակ հազարավոր ընկերություններ և աշխարհի գրեթե բոլոր երկրները ներկայացնում են զբոսաշրջության ոլորտում իրենց ներուժն ու ձեռք բերած հաջողությունները:

Լոնդոնյան ցուցահանդեսն այս տարվա 4-րդ միջազգային զբոսաշրջային ցուցահանդեսն էր, որին մասնակցել է ԼՂՀ կառավարության առընթեր զբոսաշրջության և պատմական միջավայրի պահպանության վարչությունը: Ս. Շահվերդյանի հավաստմամբ՝ եկող տարի ԼՂՀ-ն կմասնակցի 3 միջազգային զբոսաշրջային ցուցահանդեսների:

Հիշեցնենք, որ հոկտեմբերի 9-11-ը Հայաստանը Լեռնային Ղարաբաղի հետ համատեղ Իտալիայի Ռիմինի քաղաքում մասնակցել է TTG Incountri միջազգային զբոսաշրջային ցուցահանդեսին, որտեղ Արցախը ներկայացել է առանձին տաղավարով:

Ա. ԱՍՏՅԱՆ

### Փոխվարչապետը կարելու է համայնքապետերի համար կազմակերպվող դասընթացները

Նոյեմբերի 3-ին ԼՂՀ փոխվարչապետ Արթուր Աղաբեկյանը հանդիպել է համայնքների ղեկավարների համար կազմակերպվող շարունակական դասընթացների՝ այս տարվա վերջին խմբի մասնակիցների հետ:

Հանդիպման ժամանակ փոխվարչապետը կարելու է և կառավարության նախաձեռնությամբ անցած տարի մեկնարկած ծրագիրը՝ համայնքների ղեկավարների գիտելիքների ամրապնդման, օրենսդրական դաշտի փոփոխություններին ու լրացումներին ծանոթանալու, համայնքային նշանակության խնդիրներն ի մի բերելու և ընդհանուր լուծումներ գտնելու տեսանկյուններից: Ա. Աղաբեկյանի համոզմամբ՝ ստանալիք գիտելիքներն իրենց ազդեցությունն են թողնելու համայնքների



սոցիալ-տնտեսական զարգացման և կառավարման արդյունավետության բարձրացման գործում:

Փոխվարչապետ Արթուր Աղաբեկյանը համայնքապետերին խորհուրդ է տվել դասընթացների ժամանակ լինել ակտիվ և ստանալ իրենց հուզող խնդիրների պարզաբանումները՝ հատկապես բյուջեի ձեռնարկման գործում իրենց դերակատարությունը բարձրացնելու հարցում: Փոխվարչապետը հորդորել է համայնքային ավագանիների

հետ քննարկել բյուջեի կազմման հարցերը, ուշադիր լինել տեղական տուրքերի գանձման ուղղությամբ, որպեսզի սեփական բյուջեի մուտքերն ավելանան և հնարավոր լինի համայնքային հարցերը լուծել առանց պետական դրամայինների:

Ա. Աղաբեկյանը, ներկայացնելով մի շարք համայնքներում սանձաքման ուղղությամբ իրականացվող փորձնական ծրագրերի մասին, հորդորել է կարգավորել իրենց բնակավայրերի սանիտարական դրությունը՝ հատուկ աղբատեղեր ունենալ և հետեւել աղբահանության ընթացքին:

ԱՍԻ ԱՍՏՅԱՆ

### Արցախում հունվարի 1-ից կբարձրացվի պետական նպաստի չափը

Հունվարի 1-ից կբարձրացվեն Արցախի պաշտպանության ժամանակ մարտական գործողություններին մասնակցելու հետեւանքով եւ ծառայողական պարտականությունների կատարման ժամանակ զոհված զինծառայողների, ինչպես նաեւ առանց ծնողական խնամքի մնացած երեխաներին տրվող պետական նպաստի չափերը:

Նոյեմբերի 7-ին կայացած կառավարության նիստի ժամանակ՝ գործադիրի որոշմամբ այդ նպատակով տրամադրվող գումարը գալիք տարվանից կավելանա շուրջ 43 մլն դրամով: Հունվարի 1-ից այդ խմբերում

ընդգրկված քաղաքացիները նախկին 16 հազարի փոխարեն կստանան մոտ 42 հազար դրամ:

Գործադիրը հաստատեց «Բեյզ Մեթըլս» ՓԲԸ-ի՝ Կաշենի պղնձամոլիբդենային հանքավայրի շահագործման ներդրումային ծրագիրը:

Ծրագրի համաձայն՝ «Բեյզ Մեթըլս» ՓԲԸ-ն Կաշենի բաց հանքի հարակից տարածքում հանքաքարի վերամշակման համար նախատեսում է կառուցել նոր հարստացուցիչ ֆաբրիկա: Տարեկան արտադրողականությունը սկզբնական շրջանում կկազմի 1.8

միլիոն տոննա, իսկ սկսած 2022 թվականից՝ 3.5 միլիոն տոննա:

Կաշենում լեռնահանքային կոմբինատի շինարարության և գործարկման համար նախատեսվում է 128 մլն ԱՄՆ դոլարի ներդրում կատարել: Հաստատված պաշարները վերամշակելու համար պլանավորվող ժամանակահատվածը կազմում է 20 տարի:

Գործադիրի ղեկավարի հավաստմամբ՝ ծրագրի իրականացումը զգալի նշանակություն կունենա ԼՂՀ պետական բյուջեում հարկային եկամուտների մասով: «Կաշենի հանքի շահագործումն Արցախի տնտեսու-

թյան խոշորագույն ծրագիրն է՝ շուրջ 127 մլն դոլար ներդրումային կապիտալով: Այդ ծրագրում կառավարության դերակատարումը մասնավորապես եղել է Սոթե-Քարվաճառ-Հաթերք բարձրավոլտ, օղակաձեւ էլեկտրակայանի կառուցումը, որի շնորհիվ բավարարվել է ոչ միայն ընկերության էլեկտրաէներգիայի պահանջարկը, այլև բարձրացվել է հանրապետության էներգետիկ անվտանգության մակարդակը»,- նշել է Արայիկ Հարությունյանը:

ՆԱԻԿ ԼՐԱՏՎՈՒԹՅՈՒՆ

### «Մաքսակետի մասին մի մտածեք: Արցախի ողջ արտադրանքը Հայաստանով պետք է արտահանվի». Սերգո Կարապետյան

Նոյեմբերի 7-ին Ստեփանակերտում կայացավ ՀՀ և ԼՂՀ գյուղատնտեսության նախարարների համատեղ ասուլիսը: Ասուլիսի ժամանակ ՀՀ գյուղատնտեսության նախարար Սերգո Կարապետյանը, անդրադառնալով Մաքսային միությանը Հայաստանի անդամակցությանը, նաեւ՝ ԼՂՀ և ՀՀ սահմանային գոտում մաքսակետի առկայությանը, նշեց, որ պետք է շարունակեն աշխատել, խնդիրներ կարգավորել, իսկ մաքսակետի առկայության մասին խորհուրդ տվեց դեռեւս չխոսել:

«Արցախի ամբողջ արտադրանքը Հայաստանով պետք է արտահանվի: Դրա համար ստեղծելու ենք համապատասխան պայմաններ, որպեսզի հետագայում խնդիրներ չառաջանան»,- նշեց Սերգո Կարապետյանը:

ՀՀ գյուղատնտեսության նախարար Սերգո Կարապետյանի ղեկավարած պատվիրա-



կությունը հանդիպում է ունեցել նաեւ Արցախի Հանրապետության վարչապետ Արայիկ Հարությունյանի հետ:

Ինչպես հայտնում է ԼՂՀ կառավարության աշխատակազմի տեղեկատվության և հասարակայնության հետ կապերի բաժինը՝ կողմերը քննարկել են հետագա համագործակցության հնարավորություններն անասնապահության, գյուղտնտեսական սպասարկման և մի շարք այլ ոլորտներում:

Նրանք մտքեր են փոխանակել երկու հանրապետությունների սննդի անվտանգության բնագավառում առկա հիմնախնդիրների շուրջ: Պայմանավորվածություններ են ձեռք բերվել հատկապես մամթերքի անվտանգության մակարդակի բարձրացման ուղղությամբ իրագործվող համատեղ քայլերի շուրջ:

ԱՐԱՅԻԿ ՀԱՐՈՒՆՅԱՆ



### Արցախում Ե Հայ Օգնության Միության կենտրոնական վարչության գրասենյակի տնօրենը



ՌԱՕՄ-ը, որ աշխարհում հայտնի է իր բարեփրական, մարդասիրական ծրագրերով, շարունակում է մշտական ուշադրության տակ պահել հայ կանանց, հայ մանուկներին եւ, ընդհանրապես, հայ մարդուն առնչվող մի շարք խնդիրներ: Այդ շրջանակում՝ ՌԱՕՄ-ի

Կենտրոնական վարչության ներկայացուցիչները ժամանակ առ ժամանակ այցելություններ են կազմակերպում ՌԱՕՄ-ի միավորներ՝ տեղում ծանոթանալու առկա խնդիրներին ու աշխատանքներին:

Այդ նպատակն ունենալով ՌԱՕՄ-ի կենտրոնական վարչության գրասենյակի տնօրեն Լալա Դեմիրճյան-Աթաբայանի այցն Արցախ:

Այցի ընթացքում տնօրենը եւ ՌԱՕՄ-ի կենտրոնական վարչության անդամ Ալեսյա Բեջանյանը հանդիպում են ունեցել Արցախի ՌԱՕՄ-ի Մեկուսի միավորի վարչության հետ: Հանդիպման ժամանակ քննարկվել են ընթացիկ եւ ապագա ծրագրեր, «Սոսե» մանկապարտեզների հետ կապված մի շարք հարցեր:

Տնօրենն այցելել է նաեւ Շուշիի եւ Ստեփանակերտի «Սոսե» մանկապարտեզներ, ծանոթացել մանկապարտեզների խնդիրներին ու դժվարություններին:

«ԱՊՍՈՒԺ»

### ԼՂՀ ՈՒՅԱ-ն հրավիրվել է Սոչիի փառատոնին

ԼՂՀ Ուրախների եւ հնարամիտների ակումբը հրավիրվել է մասնակցելու Սոչիում կայանալիք՝ ՈւՅԱ-ի 26-րդ միջազգային փառատոնին: Ուշագրավ է, որ հրավերում նշված է Արցախի Հանրապետություն եզրույթը:

ԼՂՀ ՈւՅԱ-ի նախագահ Դավիթ Վանյանի խոսքերով՝ սա արդեն երկրորդ անգամն է, որ թիմը հրավեր է ստանում մասնակցելու ՈւՅԱ-ի փառատոնին, սակայն ֆինանսական խնդիրների պատճառով չի կարողանում մասնակցել:

Դավիթ Վանյանը նշեց, որ արդեն դիմել են ԼՂՀ մշակույթի եւ երիտասարդության հարցերի նախարարու-

թյանը, բայց պատասխան դեռ չեն ստացել: Այս հարցում նրանք լավատես են, եւ հուսով են, որ շուտով դրական պատասխան կլինի:

Թիմում ընդգրկված են 23-30 տարեկան՝ տարբեր մասնագիտության երիտասարդներ: Ծրագիրը, որով պետք է ներկայանան փառատոնին, արդեն պատրաստ է:

«Առաջնային խնդիրն այն է, որ այնտեղ ներկայացնելու ենք Արցախի երիտասարդությանը: Հումորն ինքնարտահայտվելու միջոց է: Եթե բարձրանում ես բեմ, ուրեմն ասելիք ունես, իսկ հումորի միջոցով կարող ես շատ բան ասել»,- նշեց նա:

Արմինե ՆԱՐԻՆՅԱՆ

### Գորգագործությունը՝ որպես մշակույթի պահպանման ու զարգացման կարեւոր գործոն



որ նվիրելով Արցախում գորգագործության զարգացման կարեւոր գործին:

- Տիկին Հասմիկ, ինչպե՞ս եւ ե՞րբ եղավ Ձեր մուտքը գորգագործություն: Բանի՞ տարի է, որ աշխատում եք այդ ասպարեզում:

- Գորգագործություն սովորել եմ տատիկիցս ու մայրիկիցս, ովքեր տնայնագործ գորգագործներ են եղել: Ծնողներս արմատներով Արեւմտյան Հայաստանի Մուշ քաղաքից են: Մերը գորգագործության հանդեպ, կարելի է ասել, ժառանգություն է տատիկիցս ու մայրիկիցս: Մանկուց՝ նստում էի նրանց կողքին եւ հետեւում նրանց աշխատանքին: Եվ այդպէս՝ գորգագործությունը դարձավ իմ կյանքից անբաժանելի: Արդեն հիսուն տարի է՝ աշխատում եմ այդ ասպարեզում: Երեւանում աշխատել եմ մի շարք հայտնի գորգագործական-կարպետագործական ընկերություններում՝ սկզբում՝ որպէս կարպետագործ, ապա՝ արտարդւթային պետ:

2013 թվականին հրավիրվեցի Արցախ, տեղափոխվեցի ու սկսեցի աշխատել «Դարաբաղ կարպետ» նորաբաց ընկերությունում՝ որպէս արտադրության պետ: Այսօր ես իմ փորձը փոխանցում եմ տեղի գորգագործներին, վերահսկում նրանց աշխատանքը: Ինքս, սակայն, չեմ գործում: Ինձ համար շատ ուրախալի է, որ

այսօր երիտասարդ շատ գորգագործներ են այստեղ աշխատում, եւ մեծ սիրով ու եռանդով են անում իրենց գործը:

- Ի՞նչ է Ձեզ համար գորգագործությունը՝ արվեստ, ստեղծագործություն, թե՞ աշխատանք:

- Գորգագործությունն արվեստ է, մշակույթ՝ համեմատած ստեղծագործությամբ: Ես ձգտում եմ գորգագործներին փոխանցել այն գիտակցումը, որ սա սոսկ աշխատանք չէ, այլ կարեւոր մի գործ մշակույթի պահպանման ու զարգացման ասպարեզում, եւ որ նրանցից ամեն մեկը կարեւոր աշխատանք է անում այդ ոլորտում:

- Ապրելով ու աշխատելով Արցախում՝ կարող եք վստահ ասել, որ դուք հայրենանվեր գործ եք կատարում՝ ներդրում ունենալով Արցախում գորգագործության զարգացման գործում: Ի՞նչը ձեզ դրդեց գալ Արցախ:

- Ինձ միշտ հետաքրքրել է արցախյան գորգագործությունը, հատկապէս՝ հին արցախյան գորգերն ու նրանց նախշերը: Այսօր ես շատ ուրախ եմ, որ մաս եմ կազմում արցախյան գորգերի վերականգնման գործում: Արցախը մեր հայրենիքի մի մասնիկն է, որի բարգավաճման գործին յուրաքանչյուրս պիտի մասնակից լինեմք:

Ես այստեղ երբեք էլ ինձ օտար չեմ զգացել, ավելին՝ Արցախն իմ երկրորդ տունն է, իմ օջախը, իսկ իր սեփական տան մեջ

մարդ երբեք իրեն օտար չի կարող զգալ:

- Որքանով է այսօր հաջողվում կազմակերպել հին արցախյան գորգերի վերարտադրումը, կարելի է ասել՝ վերածնունդը: Ի՞նչ խնդիրներ կան այս հարցի հետ կապված:

- Այսօր մենք լրջորեն հետաքրքրված ենք հին արցախյան գորգերի վերարտադրմամբ: Այդ ուղղությամբ մեր դիպայներները կատարում են լուրջ աշխատանքներ, ուսումնասիրում են թանգարաններում կամ առանձին մարդկանց մոտ պահպանված հին գորգերի նախշերը եւ փորձում դրանք նույն ձևով վերարտադրել: Այս ծրագրով փորձում ենք աշխարհին ներկայացնել, որ սրանք հայկական, տիպիկ արցախյան գորգեր են, քանզի, ինչպէս գիտեք, այսօր աղբյուրաբանական քարոզչական մեթոդներով եւ դրանք իրենց վերագրել, ժխտել հայկական ծագումը:

Յուրաքանչյուր աշխատանքում լինում են խնդիրներ, սակայն կազմակերպված, կոլեկտիվ աշխատանքի շնորհիվ կարողանում ենք դրանք հարթել ու զգալի արդյունքի հասնել: Յուրաքանչյուր աշխատանքում կարեւորը նպատակի գիտակցումն է:

Հարցազրույցը՝ Յերմինե ԱՎԱԳՅԱՆԻ

### ԼՂՀ ՈՒՇՈՒ-ի հավաքականը մեղալներով է վերադարձել

Հոկտեմբերի 24-26-ը, Երեւանում կայացած ՀՀ Ուշու-ի գավաթի խաղարկության ժամանակ, Արցախի մարզիկները փայլուն մասնակցություն են ցուցաբերել՝ վերադառնալով 9 ոսկե, 5 արծաթե եւ 1 բրոնզե մեդալներով:

Խաղարկությանը մասնակցում էին ՀՀ տարբեր շրջաններից 120 մարզիկներ, այդ թվում՝ 15 հոգի Արցախից:

Ուշու-ի գավաթի խաղարկությանը մասնակցում էին 8-19 տարեկան տարիքային խմբի մարզիկներ՝ 7 տարբեր քաշային կարգերում:

Aparaj.am-ի հետ զրույցում ԼՂՀ Ուշուի ֆեդերացիայի գլխավոր մարզիչ, ինչպէս նաեւ ԿՖՄԸ-ը ՄՊՄԴ սանդա ուշուի մարզիչ Դավիթ Գրիգորյանը նշեց, որ մարզիկներից շատերը առաջին անգամ են մասնակցում նման մրցույթի, եւ սա լավ փորձառություն է նրանց համար՝ ապագայում ավելի լուրջ առաջնությունների մասնակցելու համար:

Արմինե ՆԱՐԻՆՅԱՆ

### «Կահիրեի միջազգային կինոփառատոնի» մեկնարկը տրվել է Հայոց ցեղասպանության զոհերի հիշատակին նվիրված ֆիլմով



Հայոց ցեղասպանության զոհերի հիշատակին նվիրված՝ «The cut» ֆիլմով նախօրեին Կահիրեում մեկնարկվել է «Կահիրեի միջազգա-

յին կինոփառատոնը»: Ֆիլմի ռեժիսորն է Ֆեյվ Աբինը:

Կինոփառատոնը հայտնի է ամբողջ աշխարհում: Այն տեղի է ունենում ամեն տարի: Առաջին անգամ անցկացվել է 1976 թվականին, եւ

առաջինն է եղել, որը նշվել է արաբական աշխարհում: Այս փառատոնը չի անցկացվել միայն 2011 եւ

2012 թվականներին՝ երկրում քաղաքական անկայունության պատճառով:

Ֆիլմը նկարահանված է Հայոց ցեղասպանության փաստերի հիման վրա: Ֆիլմի հերոսը Նազարեթ Մանուկյանն է, ով Օսմանյան կայսրության կողմից իրականացված հայերի կոտորածի պատճառով ենթարկվում է բազմաթիվ չարչարանների եւ հեռացվում իր հարազատ գյուղից: Նա կորցնում է իր ընտանիքը, սակայն իմանում է, որ իր աղջիկները ողջ են եւ սկսում է աշխարհով մեկ փնտրել նրան:

ԱՍԻ ԱՇՍՅԱՆ

### Հայոց ցեղասպանության ժխտումը քրեականացնող օրինագիծը կրկին ֆրանսիայի խորհրդարանում է

Ֆրանսիայի խորհրդարանում կրկին կքննարկվի Հայոց ցեղասպանության ժխտումը քրեականացնող օրինագիծ: Մարսել քաղաքից ընտրված պատգամավոր Վալերի Բուայեն «Հայոց ցեղասպանության ժխտումը քրեականացնող» նոր օրինագիծ է ներկայացրել խորհրդարան:

Ըստ օրինագծի՝ նախատեսվում է 5 տարվա ազատազրկում եւ 45 հազար եվրո տուգանք պատժաչափ:

Բուայեն նոյեմբերի 4-ին, 23 պատգամավորի ստորագրությամբ, օրինագիծը հանձնել է Ֆրանսիայի Ազգային ժողովի ղեկավարությանը:

Ֆրանսիայի խորհրդարանի պատգամավոր Վալերի Բուայեն թուրքական «Ջիհան» գործակալության հետ հարցազրույցում հույս է հայտնել, որ օրինագիծը շուտով կհայտնվի խորհրդարանի օրակարգում եւ նշել է. «Միջին



Արեւելքում տեղի ունեցող իրադարձությունները պարտավորեցնում են պատրաստել այս նախագիծը: Սիրիայում եւ Իրաքում ազգային փոքրամասնություններն ու քրիստոնյաները ցեղաս-

պանության են ենթարկվում»:

Իր հարցազրույցում ֆրանսիացի պատգամավորը նաեւ շեշտել է, որ Ֆրանսիայի նախագահ Ֆրանսուա Օլանդն անցած տարվա ապրիլի 24-ին՝

Հայոց ցեղասպանության զոհերի հիշատակի օրը, խոստում է տվել եւ կկատարի այն:

Վալերի Բուայեն նաեւ հայտարարել է, որ նոր օրինագիծն ուղարկել է խորհրդարանում ներկայացված բոլոր կուսակցություններին եւ արդեն 40-ից ավելի պատգամավորներ, իրենց ստորագրությամբ, աջակցություն են հայտնել նոր օրենքի նախագծին:

Հիշեցնենք, որ Բուայենի պատրաստած՝ Հայոց ցեղասպանության ժխտումը քրեականացնող օրենքի նախորդ նախագիծն ընդունվել էր Ֆրանսիայի խորհրդարանի եւ Սենատի կողմից, սակայն երկրի Սահմանադրական խորհուրդն այն սահմանադրությանը հակասող էր ճանաչել:

Վահե ՀԱՐՈՒԹՅՈՒՆՅԱՆ

### Նավարայի խորհրդարանը հանդես է եկել Արցախին աջակցող հայտարարությամբ

Նոյեմբերի 3-ին Իսպանիայի ինքնավար համայնք (նահանգ) խորհրդարանի խոսնակների խորհուրդը հանդես է եկել պաշտոնական հայտարարությամբ: Հայտարարությամբ Նավարայի խորհրդարանը կոչ է անում միջազգային հանրությանը, հատկապես՝ ԵԱՀԿ Մինսկի խմբին եւ Եվրամիությանը՝ ձեռնարկել բոլոր անհրաժեշտ արդյունավետ քայլերը Լեռնային Ղարաբաղի հավանարտության խաղաղ եւ ժողովրդավարական ճանապարհով կարգավորման համար: Հայտարարության մասին ծանուցվելու է ԵԱՀԿ-ին, Եվրոպական Միությանը, Հայաստանի եւ Ադրբեջանի կառավարություններին եւ Լեռնային

Ղարաբաղի նախագահին ու խորհրդարանին:

Հայտարարությունը հատկապես կարեւոր է այն առումով, որ այնտեղ նշված է, որ Արցախի խնդրի արդյունավետ կարգավորման համար Արցախի իշխանությունները բանակցությունների կողմ պետք է լինեն: Մասնավորապես հայտարարության տեքստում նշվում է. «Լեռնային Ղարաբաղի իշխանությունները պետք է պարտադիր կողմ հանդիսանան ցանկացած ձեռնարկի, որը կարող է վճռորոշ դերակատարություն ունենալ երկրի ապագայի համար», ինչպես նաեւ ողջունվում է Լեռնային Ղարաբաղի ժողովրդի նվիրվածությունը

ժողովրդավարությանը:

Նավարայի խորհրդարանի Խոսնակների խորհուրդը խորհրդարանական մարմին է, որտեղ խորհրդարանական խմբակցությունները ներկայացված են իրենց խոսնակներով: Այն մասնակցում է խորհրդարանի կողմից քաղաքական բանաձեւերի մշակմանը եւ ընդունմանը, ինչպես նաեւ իրավասու է հանդես գալու պաշտոնական հայտարարություններով:

Նավարայի բնակչության մեծ մասը էթնիկ բասկեր են: Միջնադարում Նավարան եղել է անկախ բասկյան թագավորություն, որը ընդգրկել է մեծ տարածքներ ներկայիս Իսպանիայի հյուսիս-

ում եւ Ֆրանսիայի հարավ-արեւմուտքում: Նավարան նաեւ անվանում էին Բասկոնիա: Հետագայում Նավարան բաժանվել է Իսպանիայի եւ Ֆրանսիայի միջեւ: Ներկայումս՝ ինչպես հարեւան Բասկերի Երկիրը, այնպես էլ Նավարան, ունի լայն ինքնավարություն Իսպանիայի կազմում:

Ի դեպ, Բասկերի Երկրի խորհրդարանը սեպտեմբերի 12-ին փաստաթուղթ է ընդունել, համաձայն որի՝ աջակցում է Լեռնային Ղարաբաղի ինքնորոշման իրավունքի իրագործմանը:

Վահե ՀԱՐՈՒԹՅՈՒՆՅԱՆ

### Արցախյան օրեր Լիբանանում

ՀՀ Դաշնակցության Լիբանանի «Սարդարապատ» կոմիտեի իրավերով՝ հոկտեմբերի 24-ից նոյեմբերի 1-ը այնտեղ էր գտնվում Արցախի «Մենք ենք մեր սարերը» երգի-պարի պետական համույթը:

Արդեն 4-րդ տարին է, ինչ Բուրջ Յամուտում կազմակերպվում է ամենամյա փառատոն, եւ ամեն տարի այն նոր խորագիր է կրում: Այս տարի փառատոնը նվիրված է եղել Արցախին եւ կրել է «Մենք ենք մեր Արցախը» խորագիրը:

Այս տարի Բուրջ Յամուտի փառատոնին իրենց մասնակցությունն են ցուցաբերել Մարաշի, Ուրֆայի, Ամանուսի, Սամո, Բալուի, Տիգրանակերտի, Կեսարիայի, Պերեճիկի եւ Խարբերդի հայրենակցական միությունները, «Արցախ ֆոնդ»-ը, ՀՀ «Ռոստոմ» պատանեկան միությունը, ՀՀ ԼԵՄ-ի «Արշավիր Շիրակյան» մասնաճյուղը, ՀՀ Զավարյան ուսանողական միությունը եւ այլն: «Մենք ենք մեր սարերը» երգի-պարի պետական համույթը փառատոնի հատուկ հյուրն է եղել: Համույթը, ինչպես նաեւ հայկական համայնքի ստեղծագործական համույթները, փառատոնին հանդես են եկել համերգային ծրագրով: Ինչպես նախորդ երեք տարիներին, այս տարի եւս յուրաքանչյուր հայրենակցական միության հատկացվել են

տաղավարներ: Ամեն մի տաղավարում տվյալ շրջանին հատուկ ուտեստների հյուրասիրություն է կատարվել: Տաղավարներում ներկայացվել են նաեւ հայ-



կական տարազներ, տարբեր իրեր եւ գրքեր:

Համույթը, փառատոնի շրջանակներից դուրս, նաեւ երեք համերգ է ունեցել Լիբանանում: Համույթի հետ Արցախից Լիբանան է մեկնել պատանի երգչուհի Էլեն Հովհաննիսյանը, ով յուրաքանչյուր համերգի ներկայացել է մի քանի երգով: Էլենը Բեյրութում ներկայացրել է «Ար-

ցախ» երգի պրեմիերան, որը հատուկ գրվել է նրա համար:

«Լիբանանում մենք ջերմ ընդունելության արժանացանք,- «Ապառաժ»-ի

րական երգերի շարք՝ փոխանցելով Արցախի շունչն ու ոգին:

Ս. Ապրեսյանի խոսքերով՝ նրանք համերգներով հանդես են եկել տարբեր երկրներում, իսկ Լիբանանում առաջին անգամ են ելույթ ունենում:

«Մենք շատ պետություններում ենք հանդես եկել, բայց այն հայկական ոգին, որը կար Լիբանանում, չենք տեսել ոչ մի տեղ: Նրանց համար Արցախը մեծ արժեք ունի: Ավստրալիա է, որ Արցախի ազատագրումը լիբանանահայության բաղձալի երազանքն է եղել: Դահլիճն այնքան էր ջերմ ու սիրալիր, որ համերգի վերջում հուզմունքից դժվարանում էի շնորհակալական խոսքեր ասել,- իր տպավորությունները կիսեց Ս. Ապրեսյանը:

Տնօրենը նշեց, որ համույթի ակնառու հաջողությունները պայմանավորված են նաեւ գեղարվեստական ղեկավար, Արցախի արվեստի վաստակավոր գործիչ Գարի Ավանեսյանի ջանասիրությամբ ու աշխատանքի հանդեպ ունեցած նվիրումով:

Ի դեպ, Ս. Ապրեսյանը չբացառեց, որ Լիբանանում առաջիկայում նոր համերգներ կունենան, քանզի նման առաջարկներ արդեն իսկ ստացել են:

Սեփ. ԼՐԱՏՎՈՒԹՅՈՒՆ

### Այն Յայաստանի կենացը, որ դեռ պիտի գա

(Յոպար Անդրեյ, Ներսիկը եւ մյուսները...)



Անդրեյ հոպարը (Անդրանիկ Մուրադյան, Արցախյան պատերազմի առաջամարտիկ, Շուշիի առանձնակի գումարտակի անդամ) բաժակները լցնում է կոնյակով:

- Կիսմե՛ս, հոպարի աղջիկ: ժպտում է:  
- Կփորձեմ: ժպտում էմ:  
- Մալադեց, թե չէ չեմ կարողանա հիշողությունս փորփրել: Գիտես, հոպարը խոսողներից չէ:

Նրա ժպիտը խորհրդավոր երանգ է ստանում: Բարձրացնում է բաժակը, խոսում՝ հոտնկայա:

- Պատերազմի տարիներն ինձ համար ամենաերջանակ տարիներն էին, ամենամաքուր ու ազնիվ տարիները, քանզի այն ժամանակ դու հստակ գիտեիր, որ քո ընկերոջ հետ կարող ես մարտի գնալ ու նահատակվել, քո ընկերը քեզ չի լքի մարտադաշտում, նա քո թիկունքին կանգնած է, դու էլ՝ նրա: Մեր գործը վեհ էր, որովհետեւ այն նվիրում էր հայրենիքին, ազատությանը:

Հիմա ժամանակները փոխվել են, շատերն են անճանաչելիորեն փոխվել, քչերն են իրենց դեմքը պահպանել, սակայն հենց այդ քչերն են, որ չեն ծախել իրենց հոգիները: Նրանք մինչ օրս ապրում են հայրենիքի նվիրումով, ազնիվ ու շիտակ: Նրանք երբեք չեն լքի հայրենիքը ու երբեք հաղթանակած հայրենիքում պարտվողի կարգավիճակով չեն ապրի: Կստեղծեն, կարարեն, իրենց գործը կավանդեն իրենց սերունդներին: Սա է նրանց կյանքի բանաձեւը:

Մի պահ լռում է, աչքերի մեջ փոքրիկ կայծեր են երեւում, որոնք նա փորձում է թաքցնել: Կայծերը մերթ երեւում, մերթ՝ կուլ են գնում: Հոպար Անդրեյն հուզվել է չի սիրում:

- Ինձ համար թանկ են իմ հիշողությունները, քանզի դրանք իմ մեծագույն հարստությունն են, դրանք ինձանից ոչ ոք չի կարող խլել, թալանել: Ամեն Աստծո օրս ապրում եմ այդ հիշողություններով, եւ բացակա ընկերներս ոչ մի պահ չեն լքում ինձ: Նրանք իմ լավագույն խորհրդատուներն են: Եթե ես մի շեղ քայլ անեմ, նրանք ինձ չեն ների, նրանք կնայեն աչքերիս ու կասեն. «Քեզ չսազեց, Անդր, շիտակ ապրիր»:

Նրանց սիրանքների մասին ես

պատմել եմ զավակներին, որպեսզի նրանք էլ իրենց զավակներին պատմեն, որպեսզի մաքուր պահեն նրանց ավանդը եւ գլխաբաց քայլեն ազատագրված հողի վրա: Փառք ընկած տղերքին, եւ երանի այն ապրողներին, ովքեր հայրենիքով են ապրում:

Անդրեյ հոպարը խմում է կանգնած: Ես էլ իբր հետեւում եմ նրա օրինակին:

Քիչ անց գրույցին միանում է հոպար Ներսիկը /Ներսես Դավթյան/:

- Ներսիկ, կիսուե՛ս պատերազմից, աղջիկս ուզում է գրել մեր մասին: Մի հետաքրքիր բան պատմիր:

- Ես հիշողության կորուստ ունեմ, Անդր, մի՞թե չգիտես, - ծիծաղում է Ներսիկը, - ոչինչ չեմ հիշում, ես նյութի համար հաջող հերոս չեմ:

- Լա՛վ, լա՛վ, այսօր դատապարտված եք խոսելու, Ներսիկ, Հերմիտեն երկար ճանապարհ է անցել մեզ հանդիպելու համար:

Լռություն: Նրանք նայում են իրար: Հասկանում են միմյանց: Երբեմն լռությունը բառերից ավելի խոսում է լինում, երբ հարազատ են մարդկային հոգիները, հազար ու մի թելով իրար կապկաված:

- Է, տարիներ, տարիներ... Քսանից ավելի տարիներ են անցել, բայց տղերքի դեմքերը հիշողության մեջ վառ են, նրանցից ամեն մեկը պատմություն է՝ Բեկոր, Կարոտ, Պետո, Վիգեն, Արմեն... Նրանց բանակը շատ մեծ է:

Ներսիկը վառում է ծխախոտը, եւ տխրության ծանր ամպը ծածկում է նրա բարի աչքերը: Նա լուռ ծխում է իր «համբերանքի չիբուխը», եւ ես չեմ համարձակվում խախտել նրա գորավոր լռությունը:

- Հիշո՞ւմ ես Աշանի համերգը, Անդր, հիշո՞ւմ ես ոնց էիր տղերքի հետ երգում, «աստղ» էիր դարձել:

Հանկարծ քահ-քահ ծիծաղում են: Անդր հոպարն ասում է. «Դա գլուխգործոց էր, համերգ՝ պատերազմի տխուր օրերին: Երևել այդ օրերին»:

Հետո սկսում է թերթել հիշողությունները. «1992-ի ապրիլն էր, երբ Թալիսի մեր դաշնակցական ջոկատը հասավ Աշան՝ Արցախի այդ գողտրիկ գյուղը: Մեզ հետ էին նաեւ Բաղրամյանից մի քանի հոգի, բեյրութահայեր Վիգենը, երկու Գոթորները եւ Սաքոն: Երեսուկից ավելի հոգի էինք: Հայրո՞՞ Արմենը, որ դեկավարում էր Աշանի ինքնապաշտպանությունը, Բեկոր-Աշոտին խնդրել էր, որ մի քանի շաբաթով տեղավորվենք Աշանում, մնանք գյուղացիների տներում, համ էլ զինավարժություններ անցկացնենք հին Աշանի տարածքում: Աշանի օրերը լեգենդար օրեր էին: Ընդամենը երեք շաբաթ մնացինք այդ գյուղում, բայց դրանք դարձան պատմություն:

Երբ «ուրալը» հասավ Աշան, աննկարագրելի էր այն ջերմությունն ու սերը, որով գյուղացիները դիմավորեցին տղերքիս. գրկում էին, համբուրում, սեղմում կրծքներին, օրհնում: Թվում էր՝ բոլորս այդ գյուղի զավակներ էինք: Գյուղի մայրերի աչքերում մեր մայրերին

գտանք, առաջին իսկ օրից անբացատրելի հարազատությամբ կապվեցինք Աշանին, նրա քար ու քույն:

Կանայք ամեն օր ճաշ էին պատրաստում մեզ համար եւ հաճախ էլ թաքուն-թաքուն սրբում արցունքները: Մենք նկատում էինք, բայց ցույց չէինք տալիս: Պատերազմ էր, արցունքը դարձել էր սովորական մի բան: Բոլորի աչքերում նույն ցավն էր, նույն տառապանքը, բայց մի հույսի շող կար, որ մարդկանց աչքերում տեսնում էինք: Դա հույսի ու հավատի այն շողն էր, որ ոչ մի բանով չես հանգցնի:

Մի գիշեր չկարողացա հանգիստ գտնել: Ասացի.

- Արմեն, մի բան եմ մտածել, պիտի իրականացնեմ տղերքի հետ: Որոշել եմ գյուղում համերգ կազմակերպել, մեզանից շատերն արմատներով սասունցի են, երգել, պարել գիտեն: Ես գյուղը գոնե մեկ օրով պիտի հանենք սթրեսից:

Արմենը խոսուն ժպտաց (նա հաճախ էր այդպես ժպտում): Ես հասկացա, որ նա ընդունեց իմ առաջարկը: Առավոտ կանուխ տղաներին հայտնեցի որոշմանս մասին:

- Այ տղա, հո գիժ չե՛ս, ի՞նչ համերգ, մարդիկ կմղում են, դու համե՞րգ ես տալիս, - ծաղրեց տարիքով ամենամեծը՝ բիծա Վարդգեսը:

- Չէ, մենք թալիսից ենք, արմատներով՝ սասունցի, բոլորս էլ երգել, պարել գիտենք: Աշանում թեկուզ մի օրով պի-



տի ուրախությունը թնդա. թե չէ, ո՞վ գիտե, թե վաղը թշնամու գնդակը մեզանից ո՞ւմ կխնայի, ո՞ւմ կխլի:

Տղերքը ստիպված եղան համաձայնելը՝

- Անդրոն, -խոսեց հոպար Ներսիկը, - մի քանի օրում գյուղի դպրոցականներին էլ ներքաշեց գործի մեջ, սովորեցրեց ազգային երգ ու պարը: Դպրոցականները մեծ սիրով սովորում էին, ու համերգի համար նույնիսկ սկսեցին աֆիշներ գրել, կախեցին գյուղի տարբեր մասերում: Համերգի անհավատալի լուրը հասավ հարեւան Բերդաշեն ու Նոր շեն գյուղերը:

Համերգ, ի՞նչ համերգ: Ոչ նստելու տեղ կար, ոչ էլ կանգնելու: Անդրոն երգում ու երգում էր, երգը բալասանի պես թափանցում էր մարդկանց սրտերը, եւ մարդիկ զգում էին երգի բուժիչ ուժը: Ծափահարությունների տարափ էր, ցնծություն: «Նորից, նորից».- գոչում էր

բազմությունը: Անդրոյի վրա հալ չկար, բայց շարունակում էր նույն երգերը տասն անգամ երգել:

Ձայն տուր, ով ֆեդայ, Ինչո՞ւ ես տրտում, Լուռ ու մունջ նստած՝ Երկար մտածում...

Դպրոցականները պարում էին, ձայնակցում:

- Երբեք չեմ մոռանա մանուկների, ծերերի, կանանց ու տղամարդկանց աչքերը: Այդ աչքերը հաղթանակ էին տեսնում ու հավատում էին գալիք հաղթանակին, - շարունակեց հոպար Անդրոն: Համերգից հետո մի դպրոցական տղա մոտեցավ ու ականջիս փսփսաց. «Անդրեյ, ես էլ եմ ուզում կոմիտե, ինձ գեղեցիկ տա, շատ եմ ուզում»: Ես գրկեցի նրա փոքրիկ գլուխը, համբուրեցի:

- Չէ՛, տղաս, պատերազմը չարիք է, պատերազմ գնում են միայն մեծերը, իսկ քո գործը լավ սովորելն է, որ ազատ ու անկախ հայրենիքիդ համար պիտանի մարդ դառնաս:

- Իսկ պատերազմը ե՞րբ կվերջանա, քեռի:

- Շուտով, շատ շուտով, տղաս, - ասացի:

- Այն ժամանակ է՞լ եսպիսի համերգ կանեք:

- Հա, այն ժամանակ ազգովի կերգենք, տղաս:

«Աշանի օրերից հետո, Աշանից ստացած դրական լիցքերով լի՝ մեր ջոկատն

### Հայ Առաքելական Եկեղեցու Արցախի թեմի բարեփոխումների մասին

Լրացավ Հայ Առաքելական Եկեղեցու Արցախի թեմի վերաբացման 25-ամյա- կը:

Թեմը՝ Ս. Պարգեւ արքեպիսկոպոս Մարտիրոսյանի առաջնորդությամբ, իր նշանակալից ավանդն է ներդրել Արցախյան-ազատագրական շարժման եւ պատերազմի փառավոր հաղթանակի համար:

Արցախում նորոգվել ու վերաբացվել են մոտ երեսուն վանքեր, եկեղեցիներ, կառուցվել են տասից ավելի եկեղեցիներ ու մատուռներ, սակայն խիստ անբավարար է հոգեւոր սպասավորների քանակը, ովքեր կոչված են, հավատացյալների հետ միասին, շունչ եւ ոգի հաղորդելու այդ քարեղեն կոթողներին:

Արցախի ազգային-հոգեւոր եւ պատմամշակութային արժեք ներկայացնող Դաղիվանքում, Գանձասարի եւ Ամարասի վանքերում չկան վանահայրեր: Դաղիվանքում անգամ քահանա չկա, իսկ Եղիշէ Առաքյալի (Ջրվշտիկ) վանքը մատնված է անուշադրության՝ դեռ չի նորոգվել: Նշված վանքերում գտնվում են մի շարք սրբերի, երեւելիների, աշխարհիկ եւ հոգեւոր իշխանավորների մատուռներ: Դաղիվանքում եւ Եղիշէ Առաքյալի վանքում են ամփոփված Հիսուսի 72 առաքյալներից երկուսի՝ Դաղիի եւ Եղիշէի մատուռները: Եղիշէ Առաքյալի վանքի եկեղեցու շուրջը տեղակայված 2 մատուռներից մեկում թաղված է Վաչագան Բարեպաշտ արքան, մյուսում՝ Ջրաբերդի իշխան Ատոմը: Գանձասարի վանքի եկեղեցու գոհասեղանի տակ թաղված է Սուրբ Հովհաննես Մկրտչի գլուխը: Այստեղ են գտնվում նաեւ Տեառնեղբայր Հակոբ առաքյալի, Չաքարիա մարգարեի, Սուրբ Գեորգի, Պանդակոն բժշկի, Աղվանից Գրիգորիս Ա կաթողիկոսի մատուռները, իսկ վանքի գավիթում թաղված են Աղվանից կաթողիկոսների աճյունները:

Ամարասի վանքում է գտնվում Գրիգոր Լուսավորչի թառան՝ Աղվանից առաջին կաթողիկոս Սուրբ Գրիգորիսի դամբարանը:

Քրիստոնյա հավատացյալներին (եւ ոչ միայն) հայտնի է սուրբ մատուռների գոյությունը: Դրանց պղծումը, անարգումը, անգամ արհամարհումն ու անուշադրության մատնումն արժանանում են Ամենագործի պատժին:

Տավով պետք է նշենք, որ Արցախում վանական կյանք ընդհանրապես գոյություն չունի: Վերաբացված եւ նոր կառուցված շատ եկեղեցիներում ամփոփված (երբեմն նաեւ տարիներով) հոգեւոր արարողություններ չեն կատարվում:

Ներկա դրությամբ Հայ Առաքելական Եկեղեցու կարեւոր խնդիրը հոգեւոր սպասավորների պակասն է: Այն անպայմանորեն պետք է հանդիսանա համայն հայության գերխնդիրներից մեկը, քանի որ Հայ Եկեղեցին, լինելով համազգային ամենամեծ կառույցը, նշված պատճառով չի կարողանում լիարժեքորեն գործել եւ կատարել Սահմանադրությամբ իրեն վերապահված «բացառիկ առաքելությունը հայ ժողովրդի հոգեւոր կյանքում, նրա ազգային մշակույթի զարգացման եւ ազգային ինքնության պահպանման գործում»: Դրա իրագործումը, բնականաբար, կախված է հոգեւոր կադրերի քանակական ու որակական չափանիշներից եւ, իհարկե, նպատակաուղղված

համակարգված աշխատանքից: Հոգեւոր քննադատում քանակականի եւ որակականի փոխկապակցվածությունը, ինչպես նաեւ որակականի հաշվին քանակականի պակասի լրացումը համեմատելի չէ այլ քննադատների հետ: Օրինակ, Արցախյան պատերազմի տարիներին Հայոց փոքրաթիվ բանակը իր որակական բարձր հատկանիշների, մարտական ոգու շնորհիվ եւ Աստծո ողորմությամբ կարողացել է հաղթել թվաքանակով իրեն բազմիցս գերազանցող ադրբեջանական բանակին: Բայց, ահա, նույնը հնարավոր չէ կատարել հոգեւոր քննադատում: Անգամ ամենաուսույալ տասը քահանաներով քառասուն եկեղեցիներում հնարավոր չէ համաժամանակյա Սուրբ Պատարագ կամ ժամերգություն կատարել: Նման արարողությունների համար՝ բացի քառասուն քահանայից, հարկավոր են նաեւ նույնքան սարկավազներ, դպիրներ եւ երգչախմբեր:



Ուստի Հայ Եկեղեցու հոգեւոր սպասավորների հարցը իրատապ լուծում է պահանջում: Իսկ ի՞նչ է արվում այդ ուղղությամբ: Արցախի պարագայում, կարելի է ասել, որ գործը առաջ չի գնում, դեռ ավելին՝ քահանաների թվաքանակը քանի գնում՝ նվազում է: Հարցին կարող էր իր լուծումն առաջարկել Գանձասարի հոգեւոր դպրանոցը, բայց այն չի գործում, ծառայելու է որպես մատենադարան: Ինչ մնում է Էջմիածնի Գեորգյան ճեմարանի եւ մյուս հոգեւոր կրթօջախների կողմից պատրաստվող սաներին (յուրաքանչյուր տարի՝ հիսուն շրջանավարտ, հիմնականում՝ սարկավազներ) առնվազն հիսուն տարի են պետք, որ բավարարվեն օրեց-օր աճող Հայ Եկեղեցու հավատացյալների հոգեւոր պահանջները: Ո՞րն է լուծումը: Իմ կարծիքով՝ գերխնդիրը կարելի է լուծել բազմաշերտ հոգեւոր կրթական համակարգ ստեղծելու միջոցով: Նախկին՝ ԽՍՀՄ կրթական համակարգի օրինակով կարելի է ստեղծել հոգեւոր ուսումնարաններ՝ երկու տարի ժամկետով, ինստիտուտներ՝ չորս տարի ժամկետով եւ ճեմարան՝ վեց տարի ժամկետով: Հոգեւոր ուսումնարանների սաներին պայմանագրային հիմունքներով պետք է ընդունել պարտադիր զինծառայությունն ավարտած այն քաղաքացիներին, որոնց քննադատությունում կան գործող եկեղեցիներ: Ցանկալի է, որ յուրաքանչյուր բնա-

կավայրից ընտրվեն երկուական սաներ: Հոգեւոր ուսումնարանները «լավ» եւ «գերազանց» գնահատականներով ավարտած շրջանավարտներին միանգամից պետք է ձեռնադրել քահանաներ եւ ուղարկել իրենց քննադատները:

Հոգեւոր ինստիտուտների շրջանավարտներին պետք է ձեռնադրել քահանաներ եւ պայմանագրային հիմունքներով գործուղել Հայաստանի եւ աշխարհի այլ երկրների ՀԱԵ եկեղեցիները:

Կարծում եմ՝ հոգեւոր ճեմարանների մասին գրելն ավելորդ է, այն պարզ պատճառով, որ դարերի ընթացքում ձեռնադրված եւ կյանքի փորձությանը դիմացած հոգեւոր-ուսումնական այդ հաստատություններն իրենց են վկայում իրենց մասին:

Հաջորդ խնդիրը, որը եւս լուծում է պահանջում, դա եկեղեցիների երգչախմբերն են: Այն կարելի է լուծել ՀԱԵ Արցախի թեմի եւ ԼՂՀ կրթության եւ գի-

ված է տրամադրել 25.000.000 լարի (5 միլիարդ 825 միլիոն դրամ): Վրաստանի Կառավարությունը պահուստային ֆոնդից 2014-ին չորս կրոնական միավորումների (Հռոմեական-Կաթոլիկ, Հայ Առաքելական, Իսլամական եւ Հրեական) ֆինանսավորման համար հատկացնելու է 4.5 միլիոն լարի (1 միլիարդ 49 միլիոն դրամ): Կառավարության դրույթի համաձայն՝ «խորհրդային միապետական ռեժիմից կրած վնասի մասամբ փոխհատուցումը» կիրականացվի Կրոնական հարցերով պետական գործակալության կողմից, յուրաքանչյուր կրոնական միավորմանը տրամադրելով 1125000 լարի (262 միլիոն 125 հազար դրամ):

Կարծում եմ՝ մեկնաբանություններն ավելորդ են:

Այո՛, հայկական պետությունը պետք է պետական բյուջեից համապատասխան դրամական միջոցներ հատկացնի Հայ Եկեղեցուն՝ հայկական ամենամեծ ազգային կառույցին, որ վերջինս կարողանա կատարել Սահմանադրությամբ եւ այլ օրենքներով իրեն վերապահված ազգի հոգեւոր կյանքի շինության եւ ազգապահպանության առաքելությունը:

Թերեւս, ՀԱԵ Արցախի թեմի ամենախոցելի տեղը եկեղեցական ծխական համայնքներն են: Իմ կարծիքով՝ դա Արցախի թեմի Թեմական խորհրդի թույլ աշխատանքի եւ վերահսկողության բացակայության հետեւանքն է: Արցախի թեմում թույլ են իրականացվում հոգեւոր-տեսչական աշխատանքները: Հոգեւոր-քարոզչության անմխիթար վիճակի մասին բազմիցս ենք գրել եւ առաջարկել կոնկրետ իրատեսական լուծումներ:

Գաղտնիք չէ, որ Արցախի թեմի Քրիստոնեական դաստիարակչական կենտրոնի վատ աշխատանքի հետեւանքով է նաեւ Արցախի Հանրապետությունում աճել աղանդավորականների եւ այլ խորթ կրոնական կազմակերպությունների հավատացյալների թվաքանակը: Ուստի առաջարկում ենք Արցախի թեմում կատարել բարեփոխումներ: Այդ ուղղությամբ առաջարկում ենք.

ա. Ստեղծել հոգեւոր-տեսչական, քննչական խումբ եւ վեր հանել Արցախի թեմում առկա բոլոր վերաբերությունները:

բ. Ստեղծել լիարժեք աշխատող Քրիստոնեական դաստիարակչության կենտրոն (ԶԴԿ)՝ իր շրջանային ստորաբաժանումներով եւ կառույցներով:

գ. Արցախի բոլոր շրջկենտրոններում ստեղծել ԶԴԿ-ի գրասենյակներ, Հայրուրաց տներ եւ Տիկնակց միություններ:

դ. Օժանդակել Արցախի թեմի եկեղեցասիրաց երիտասարդական կառույցի բնականոն գործունեությանը:

ե. Ստորագրել ՀԱԵ Արցախի թեմի եւ Արցախի Հանրապետության կառավարության միջեւ համապատասխան պայմանագիր:

զ. ԶԴԿ-ի միջոցով վերահսկել Արցախի կրթական համակարգում իրականացվող «Հայ Եկեղեցու պատմություն» առարկայի դասավանդումը: Հանրակրթական դպրոցներում վերսկսել «Կրոն» առարկայի դասավանդումը:

է. Արցախի այն բնակավայրերում, որտեղ կան գործող եկեղեցիներ, ստեղծել համայնքային ծխական խորհուրդներ:

Աշոտ ՍԱՐԳՍՅԱՆ

«Ապառաժ» երկշաբաթաթերթ  
Ստեփանակերտ, Կոմունյանց 17,  
հեռ. 97 38 43, E-mail: info@aparaj.am  
Կայքէջ՝ www.aparaj.am

Նյութերի համար պատասխանատու են հեղինակները: Թերթը կարող է տպագրել նաեւ նյութեր, որոնցում արժանատի է համարվում Տպագրվում է Ստեփանակերտի «ԴԻՉԱԿ ՊԼՅՈՒՍ» ՍՊԸ-ում: Գրանցման վկայական՝ 04: Տպաքանակը՝ 500: Գինը՝ 100 դրամ:

Խմբագիր  
Ալեսյա Բեջանյան